



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEÇA KOSOVA

Numri i lëndës: KSC-CC-2024-26

Vendosi: Kryetarja e Dhomave të Specializuara
Gjykatëse Ekaterina Trendafilova

Data: 23 shtator 2024

Administratore: Fidelma Donlon

Gjuha: Anglishte

Klasifikimi: Publik

Vendim për Caktimin e Gjykatësve të Panelit të Gjykatës Kushtetuese

Gjykatësve të Panelit të Gjykatës Kushtetuese:

Gjykatës Vidar Stensland
Gjykatës Roumen Nenkov
Gjykatëse Romina Inkuti

Zyrës së Prokurorit të Specializuar:

Kimberli P. Uest

Mbrojtjes së Viktimave:

Ani Pues

KRYETARJA e Dhomave të Specializuara ("Kryetarja"), në bazë të nenit 33(3) të Ligjit nr. 05/L-053 për Dhomat e Specializuara dhe Zyrën e Prokurorit të Specializuar, ("Ligji") dhe rregullave 3 dhe 4(2) të Rregullores për Caktimin e Gjykatësve të Dhomave të Specializuara nga Regjistri i Gjykatësve Ndërkombëtarë ("Rregullorja për Caktimin e Gjykatësve"), me anë të këtij vendimi cakton Panelin e Gjykatës Kushtetuese për të marrë vendim mbi Kërkesën e Përbashkët për Zgjatje të Afatit të mbrojtëses së viktimave dhe Zyrës së Prokurorit të Specializuar në çështjen Prokurori kundër z. Salih Mustafa ("Kërkesa e Përbashkët").¹

I. HISTORIKU PROCEDURAL

1. Më 16 dhjetor 2022, Trupi Gjykues I shqiptoi Aktgjykimin, me të cilin, ndër të tjera, e shpalli z. Mustafa fajtor për krimet e luftës të ndalimit arbitrar, torturës dhe vrasjes së paligjshme dhe e shpalli të pafajshëm për krimin e luftës të trajtimit mizor.² Trupi Gjykues e dënoi z. Mustafa me 26 vjet burgim.³

2. Më 14 dhjetor 2023, Paneli i Gjykatës së Apelit shqiptoi Aktgjykimin e Apelit me të cilin la në fuqi verdiktet e fajësisë së z. Mustafa për krimet e luftës të ndalimit arbitrar, torturës dhe vrasjes së paligjshme, por miratoi, pjesërisht, apelin e z. Mustafa lidhur me dënimin e tij.⁴ Për këtë qëllim, Paneli i Gjykatës së Apelit e uli dënimin e z. Mustafa në 22 vjet burgim, duke llogaritur kohën e kaluar në paraburgim.⁵

3. Më 14 mars 2024, z. Mustafa dorëzoi Kërkesën e Mbrojtjes për Mbrojtje të Ligjshmërisë me Shtojcat 1 dhe 2 Konfidenciale në bazë të Nenit 48 (6) deri (8) të Ligjit

¹ F00001, Kërkesë e Përbashkët për Zgjatje të Afatit, 20 shtator 2024.

² KSC-BC-2020-05/F00494, Aktgjykimi, 16 dhjetor 2022 (konfidencial), para. 831. Versioni i korrigjuar u dorëzua më 24 janar 2023 dhe versioni i redaktuar publik më 8 qershor 2023.

³ Aktgjykimi, para. 831.

⁴ KSC-CA-2023-02/F00038, Aktgjykimi i Apelit, 14 dhjetor 2023 (konfidencial), para. 484. Versioni i redaktuar publik i Aktgjykimit të Apelit u lëshua më të njëjtën ditë (KSC-CA-2023-02/F00038/RED).

⁵ Aktgjykimi i Apelit, para. 484.

dhe Rregullës 193 të Rregullores.⁶

4. Më 29 korrik 2024, Paneli i Gjykatës Supreme lëshoi Vendimin mbi Kërkesën e Salih Mustafës për Mbrojtje të Ligjshmërisë, me të cilin, ndër të tjera “d) anuloi [i] Aktgjykimin e Apelit vetëm në lidhje me dënimin e z. Mustafa [dhe] e) [ia] kthe [u] [atë Trupit Gjykses] [...] për të marrë vendim të ri në lidhje me dënimin e [tij] në bazë të rregullës 194(1)(b) të Rregullores”.⁷

5. Më 10 shtator 2024, Paneli i Gjykatës së Apelit lëshoi Vendimin për Lëshimin e një Vendimi të Ri Dënimi për Salih Mustafën, me të cilin uli dënimin e z. Mustafa në 15 vjet burgim, duke llogaritur kohën e kaluar në paraburgim.⁸

6. Më 20 shtator 2024, mbrojtësja e viktimave dhe Zyra e Prokurorit të Specializuar dorëzuan Kërkesën e Përbashkët.

II. CAKTIMI

7. Në bazë të nenit 33(3) të Ligjit, pas parashtrimit të kërkesës referuese në Dhomën e Specializuar të Gjykatës Kushtetuese (“DHSGJK”), Kryetarja cakton tre gjykatës të DHSGJK-së. Në rast se njëri nga këta gjykatës nuk është në dispozicion për kryerjen e detyrës, Kryetarja cakton një gjykatës kushtetues rezervë.

8. Kryetarja konstaton se një nga tre gjykatësit e DHSGJK-së nuk është në dispozicion për kryerjen e detyrës. Rrjedhimisht, Kryetarja cakton gjykatësin kushtetues rezervë në përputhje me nenin 33(3) të Ligjit dhe rregullave 3 dhe 4(2) të Rregullores për Caktimin e Gjykatësve.

⁶ KSC-SC-2024-02/F00011, Kërkesë e Mbrojtjes për Mbrojtje të Ligjshmërisë me Shtojcat 1 dhe 2 Konfidenciale në bazë të Nenit 48 (6) deri (8) të Ligjit dhe Rregullës 193 të Rregullores, 14 mars 2024.

⁷ KSC-SC-2024-02/F00018, Vendim mbi Kërkesën e Salih Mustafës për Mbrojtje të Ligjshmërisë, 29 korrik 2024, para. 112.

⁸ KSC-CA-2023-02/F00045, Vendim për Lëshimin e një Vendimi të Ri Dënimi për Salih Mustafën, 10 shtator 2024, para. 28.

PËR KËTO ARSYE, KRYETARJA ME KËTË VENDIM ÇAKTON

Gjykatës Vidar Stensland

Gjykatës Roumen Nenkov

Gjykatës Romina Inkuti

në përbërje të Panelit të Gjykatës Kushtetuese për të vendosur mbi Kërkesën e
Përbashkët dhe çdo çështje tjetër në lidhje me të.

/nënshkrimi/

Gjykatëse Ekaterina Trendafilova

Kryetare e Dhomave të Specializuara

Shtator/si në origjinal/, 23 shtator 2024

Në Hagë, Holandë